

四庫全書

史部

欽定四庫全書

史部
歷代建元考卷八

詳校官編修臣溫汝适

編修臣程嘉謨覆勘

總校官知縣臣楊懋珩

校對官編修臣潘庭筠

謄錄監生臣李崇實

欽定四庫全書

歷代建元考卷七

秀水鍾淵映撰

唐末諸國考

後梁

朱氏

太祖神武元聖孝皇帝晃本名溫單州碭山人棄黃巢
降唐賜名全忠進封梁王以天祐四年丁卯篡位于大
梁已巳遷洛陽六年壬申為子友珪所弑改元二

開平四

乾化二

郢王友珪晃子以壬申弑父自立明年癸酉均王友貞討誅之偽元一

鳳歷

均王瑱原名友貞晃子以癸酉討逆嗣立于大梁癸未唐兵入汴為其下所殺在位十一年復稱乾化三年四年改元二

貞明

六

龍德

三

右後梁二世十七年

後唐 李氏

太祖武皇帝克用本姓朱邪其先沙陀部人賜姓李氏
唐末以討黃巢功為太原節度使封晉王朱氏篡立鄰
道勸之稱帝不從以天祐五年戊辰薨

莊宗光聖神閔孝皇帝存勗太祖武帝克用長子以天
祐五年戊辰嗣晉王位仍天祐正朔癸未即皇帝位紹
唐正統自將滅梁都洛陽四年丙戌兵亂中流矢崩改
元一

同光

四

天祐八年盧龍節度使燕王劉守光自稱大燕皇帝後二年晉王拔幽州執守光以歸殺之改元一

應天

明宗聖德和武欽孝皇帝亶本名嗣源代北人太祖養為子同光三年為鄴都亂兵所立丙戌入洛嗣位八年癸巳崩改元二

天成

四
元年即
同光四年

長興

四

閔帝從厚明宗第三子封宋王以癸巳嗣立甲午潞王
兵入出奔遇弑改元一

應順

胡三省通鑑注曰取應天順人為義非繼體之君
所以紀元也

潞王從珂本姓王氏明宗養為子以甲午廢閔帝自立
在位三年丙申石敬瑭兵逼自焚殂改元一

清泰

右後唐四主十四年前奉天祐十七年

後晉石氏

高祖聖文章武明德孝皇帝敬瑭太原人丙申以北京
留守舉兵反契丹立為帝都大梁在位七年壬寅殂改
元一

天福

齊王重貴敬瑭從子以壬寅嗣立丙午契丹入大梁北
遷後卒于黃龍府仍稱天福二改元一

開運

右後晉二主共十一年

後漢

劉氏

高祖睿文聖武昭肅孝皇帝
本名知遠
太原人
契丹入中國以丁未即位于晉陽
入都于大梁
二年戊申殂
仍稱天福二改元一

乾祐

漢紀知遠初即位自言未忍改晉又惡開運之號

乃改稱天福十二年

五代帝紀曰嗚呼人君即位稱元年常事爾古不
以為重也孔子未修春秋其前固已如此雖暴君
昏主庸妄之史其紀事先後遠近莫不以歲月一
二數之乃理之自然也其謂一為元亦未嘗有法
蓋古人之語爾及後世曲學之士始謂孔子書元
年為春秋大法遂以改元為重事自漢以後又明
年以建元為正偽紛雜稱號遂多不勝其紀也五

代亂世也其事無法而不合于理者多矣皆不足
道也至其年號乖錯以惑後世則不可以不明初
梁太祖以乾化二年遇弒明年末帝已誅友珪黜
其鳳曆之號復稱乾化三年尚為有說至漢高祖
建國黜晉出帝開運四年復稱天福十二年者何
哉蓋以其愛憎之私耳方出帝時漢高祖居太原
常憤憤下視晉而晉亦陽優禮之幸而未見其隙
及契丹滅晉漢未嘗有救難之意出帝北遷方陽

以兵聲言追之至關而還及其即位改元而黜開
運之號則其用心可知矣蓋其于出帝無復君臣
之義而幸禍以為利者其素志也可勝嘆哉夫所
謂有諸中必形于外者其見于是乎

隱帝承祐高祖第三子封周王以戊申嗣立在位二年
庚戌郭威犯闕遇弒仍稱乾祐二年三年不改元

右後漢二主四年

北漢

世祖神武皇帝旻本名崇高祖弟郭威篡立以辛亥即

帝位于晉陽甲寅殂在位四年不改元仍稱乾祐

自四年至七年

孝和皇帝鈞本名承鈞世祖長子以乾祐七年甲寅嗣

立 在位十四年戊辰殂仍稱乾祐二

八年改元一

天會

彭城王繼元孝和帝養子戊辰孝和殂養子繼恩立供

奉官侯霸榮弒之繼元嗣立 在位十一年己卯降于宋

太宗仍稱天會四

自十三年改元一

廣運

考異曰劉恕云世宗實錄薛史帝紀僭偽傳皆云
顯德二年十二月劉崇卒大定錄云顯德二年春
旻病死紀年通譜顯德二年崇之乾祐八年冬崇
死顯德丙辰三年承鈞改元天會戊辰開寶元年承鈞
之天會十三年死開寶十一年繼元改元廣運興
國四年繼元之廣運十一年也河東劉氏有國全
無紀錄惟其舊臣中書舍人直翰林院王保衡歸

朝後所纂晉陽偽

闕

見聞要錄云甲寅年春南伐

敗歸夏周師攻國都旻積憂勞成心病是冬卒丁

巳年正月鈞改乾祐十年為天會元年又云鈞丙

戌年二十九承位年四十三卒右諫議大夫陽夢

申奉勅撰大漢都統進封定王劉繼顯神道碑云

天會十二年實皇帝踐阼之初年也十七年繼顯

卒末題廣運元年歲次甲戌九月丙午朔今按周

廣順元年辛亥旻即帝位稱乾祐四年顯德元年

甲寅旻之乾祐七年也旻卒鈞改元顯德四年丁巳鈞改乾祐十年為天會元年宋開寶元年戊辰鈞之十二年也鈞卒繼元立開寶七年甲戌繼元改天會十八年為廣運元年據厯是歲九月丙午朔興國四年巳卯繼元亡廣運六年也鈞以唐天成元年丙戌生至顯德元年甲寅嗣位乃二十九歲矣鈞及繼元踰年未改元蓋孟蜀二主漢隱帝周世宗之比也諸書皆傳聞相因前後相戾惟晉

陽見聞錄劉繼顯碑歲月最可考證故以為據

右漢前二主四年後三主二十八年合三十二年

後周

郭氏

太祖聖神恭肅文武孝皇帝威邢州堯山人辛亥以鄴都留守入汴自立為帝三年癸丑殂改元二

廣順二

顯德一

世宗睿文孝武皇帝榮本姓柴氏太祖后之姪養為子封晉王以甲寅嗣立在位五年己未殂仍稱顯德五

自二

年至
六年不改元

恭皇帝宗訓世宗子封梁王以己未嗣立庚申禪于宋
不改元

右後周三世共九年

蜀

王氏附岐
王李茂貞

高祖神武聖文孝德明惠皇帝建許州舞陽人唐末有

兩川封蜀王以天復七年丁卯

時唐已改元天祐為梁
所篡建仍稱天復七年

即皇帝位于成都戊寅殂在位十一年改元五

武成三

永平五

通正一

天漢一
改國號以

漢改元

光天一
是年復國號蜀

順正公衍本名宗衍建少子封鄭王立為太子以戊寅嗣
立 在位七年乙酉降于唐軍遇害改元二

乾德六

咸康一

右前蜀二世三十五年建號十八年

岐秦忠敬王李茂貞本姓宋名文通深州博野人唐末
賜姓名為鳳翔節度使進封岐王唐亡建國號制仍奉

唐天祐正朔後唐同光二年改王秦薨

吳楊氏

太祖武皇帝行密廬州合肥人唐末有淮南進封吳王
以天祐三年薨

烈祖景皇帝渥太祖子以天祐三年丙寅嗣稱弘農王
戊辰張顥徐溫遣人弑之在位二年仍稱天祐二四年五年

高祖宣皇帝隆演景帝弟以戊辰嗣稱弘農王庚午進
封吳王己卯即吳國王位在位十一年仍稱唐天祐九

自六年至改元一十五年

武義

睿皇帝溥宣帝弟以庚辰嗣吳國王位丁亥稱帝在位十六年丁酉禪于南唐尊為讓皇帝明年殂改元四

順義

六

乾貞

二

太和

六

天祚

三

右吳四世四十六年建號十八年

南唐

烈祖光文肅武孝高皇帝昇本名知誥吳王恪之後生

于徐州仕楊氏封齊王以天祚三年丁酉受禪都金陵
在位七年癸卯殂改元一

昇元七

元宗明道崇德文宣孝皇帝璟初名景通烈祖長子封
齊王以癸卯嗣立戊午改稱國主去年號奉周正朔在
位十九年遷南都殂改元三

保大五十

中興

旋改
交泰

交泰

元宗即位未踰年改元太常博士韓熙載上疏曰

踰年改元古之制也事不師古弗可以訓時雖可
其奏而制書已行竟不能從

吳王煜初名從嘉元宗第六子封吳王以辛酉嗣立于
金陵在位十三年乙亥降于宋後三年殂唐祀始絕

右南唐三主三十九年

南漢 劉氏

高祖天皇大帝龔本名巖其先上蔡人聖武帝謙之子
烈宗襄帝隱之弟隱唐末為清海節度使隱卒巖嗣立

以丁丑歲稱帝國號越尋改稱漢在位二十三年辛丑

殂改元三

乾亨八

白龍

三見改元

大有

十四筮易

得大有紀元

五代史乾亨九年白龍見南宮三清殿改元白龍

又更名龍天門應龍見之祥

殂帝玠本名弘度高祖長子封秦王以辛丑嗣立二年

癸卯為弟晉王弘熙所弑改元一

光天

光天元年博羅縣妖賊張遇賢自稱中天八國王陷循州後入南唐境敗死偽元一

永樂

中宗文武光聖明孝皇帝晟本名弘熙高祖封晉王以癸卯弒玠立任十四年戊午殂改元二

應乾

旋改
乾和

乾和十
四

南越王張本名繼興中宗子封衛王以戊午嗣立任位

十四年辛未降于宋後數年殂改元一

大寶

右南漢四主建號五十二年通前烈宗隱六十七年

閩 王氏

太祖昭武孝皇帝審知光州固始人唐末其兄潮引兵據福建潮卒審知嗣立梁封閩王以後唐同光三年薨子延翰嗣立稱閩國王為審知養子延稟所殺立延鈞惠宗齊肅明孝皇帝鱗本名延鈞太祖子以丙戌嗣立

癸巳稱帝三年乙未為子繼鵬所弑改元二

龍啓二

永和一

康宗聖神英睿文明廣武應道大弘孝皇帝昶本名繼鵬惠宗子封福王以乙未自立在位五年己亥為審知少子延義所弑改元一

通文

景宗睿文廣武明聖元德隆道大孝皇帝曦本名延義太祖少子以己亥弑昶自立在位六年甲辰為其臣朱

文進所弑改元一

永隆

閩景宗即位改元國人相謂曰可謂大昏元年

福恭懿王延政太祖子封富沙王以景宗永隆五年癸卯稱帝于建州國號殷明年景宗遇弑乙巳復國號閩尋降南唐遷于金陵改元一

天德

三

右閩六主五十五年建號十三年

後蜀 孟氏

高祖文武聖德英烈明孝皇帝知祥邢州龍岡人以唐
同光中守西川長興四年封蜀王甲午稱帝殂改元一
明德

楚恭孝王昶本名仁贊高祖太子以甲午嗣立在位三
十一年己丑降于宋至汴殂仍稱明德三改元一

廣政 二十
八

右後蜀二世四十一年建號三十二年

吳越

武肅王錢鏐杭州臨安人以唐末有兩浙進封越王改
王吳梁封吳越王唐進封國王長興三年壬辰薨改元
四後臣于中國始不稱年號

天寶

寶大

寶正

寶一作保
正一作貞

廣初

通鑑考異曰閻自若唐末泛聞錄云同光四年京
師亂朝命斷絕鏐遂僭大號改元保正明年唐明

宗使命至乃去號復用唐正朔紀年通譜云鏐雖
外勤貢奉而陰為僭竊私改年號于其國其後子
孫奉中朝正朔漸改元事及錢俶納土凡其境內
有石刻偽號者悉使人鑿去之惟西湖落星山塔
院中有鏐封此山為落星寶石山偽詔勒之于石
雖經鏐毀其文尚可讀後題曰寶正六年歲在辛
卯明宗長興二年也其元年即天成元年也好事
者或傳曰保正非也余公綽閩王事迹云同光元

年梁策錢鏐為尚父來年改寶正元年永隆三年
吳越世宗文穆王薨林仁志閩王啓運圖云同光
元年梁封浙東尚父為吳越國王尋改元寶正長
興三年吳越武肅王崩子世皇嗣永隆二年吳越
世皇崩子成宗嗣公綽仁志所紀年歲差繆然可
見錢氏改元及廟號故兼載焉至今兩浙民間猶
謂錢鏐為錢太祖今參取諸書為據愚案溫公通
鑑及目錄止載寶正一號而玉海載有天寶寶大

寶正廣初四號薛氏甲子會紀謂天寶改于戊辰
唐天祐三年朱梁之開平二年也寶大改于甲申
唐同光二年寶正改于丙戌天成元年也廣初則
不辨何歲所改舊武原志載土中得朱府君墓志
末題寶大元年歲次甲申其為錢氏所改無疑天
寶改元之歲則唐室初亡諸鎮猶稱天祐天復餘
則盡稟梁正朔錢氏即夜郎自大烏得遽有年名
正史無徵姑書以備考焉

文穆王元瓘鏐子以唐長興三年嗣晉天福六年薨

忠獻王弘佐元瓘子以晉天福六年嗣漢天福十二年

薨

忠遜王弘侑弘佐弟以漢天福十二年嗣尋被廢

忠懿王俶本名弘俶弘侑弟以漢天福十二年嗣宋太

平興國三年以其地歸宋後數年而薨

右吳越五世八十四年

楚附

武穆王馬殷許州人以唐末有湖南梁封楚王唐封楚國王長興元年薨

王希聲殷長子以長興元年嗣三年薨

文昭王希範希聲弟以長興三年嗣漢天福十二年薨
王希廣希範弟以漢天福十二年嗣乾祐三年為希萼所殺

王希萼希廣庶兄以漢乾祐三年立明年為弟希崇所囚
崇自立其將彭師曷廖偃共立希萼為衡山王南唐

卷一
兵至希萼希崇俱降後南唐不能守劉言王逵周行逢
及子保權迭鎮湖南至宋初歸附

右楚四世五十六年

南平

附

武信王高季興本名季昌陝州陝右人以梁初有荆南
唐封為南平王後稱臣于吳吳封秦王唐天成三年薨
文獻王從誨季興子以唐天成三年嗣漢乾祐元年薨
貞懿王保融從誨子以漢乾祐元年嗣宋建隆元年薨

弟保勗立三年保勗卒保融子繼冲嗣明年降于宋

右南平五世五十七年

案楚吳越南平三鎮唯吳越嘗有年號餘俱奉中朝正朔本不錄然前史列于十國之內因附載之

宋

趙氏

太祖啓運立極英武睿文神德聖功至明大孝皇帝匡脩其先涿郡人皇考弘殷始遷洛陽周顯德庚申以殿前都檢點自陳橋驛還兵受禪在位十七年丙子崩改

元三

建隆三

乾德五

開寶九

建隆四年十一月甲子郊祀改元乾德初太祖將
改元諭宰相曰年號須擇前代未有者及蜀平蜀
宮人入內見其鏡背有識乾德四年鑄者學士竇儀
曰此必蜀物蜀主王衍曾有此號上嘆曰宰相須
用讀書人由是益重儒者歐陽修歸田錄竇儀作
陶穀

太宗至仁應道神功聖德文武大明廣孝皇帝炁初名
光義太祖弟丙子以晉王嗣立在位二十二年丁酉崩
改元五

太平興國

八元
年即
開寶九年

雍熙 四

端拱 二

淳化 五

至道 二

真宗膺符稽古神功讓德文明武定章聖元孝皇帝恒
初名元侃太宗第三子丁酉以皇太子嗣立在位二十
五年壬戌崩改元五

咸平 六

景德 四

大中祥符 九
書降改元

天禧 五

乾興 元

仁宗體天法道極功全德神文聖武睿哲明孝皇帝禎

初名受益真宗太子以壬戌嗣立即位四十二年癸卯

崩改元九

天聖 九

明道 二

景祐 四

寶元 二

康定 一

慶厯 八

皇祐 五

至和 二

嘉祐 八

歐陽修歸田錄曰仁宗即位改元天聖時章獻明
肅太后臨朝稱制議者謂撰號者取天字于文為
二人以為二人聖者悅太后爾至九年改元明道
又以為明字于文日月並也與二人旨同無何以
犯契丹諱明年遽改曰景祐是時連歲天下大旱
改元詔意冀以迎和氣也五年因郊又改元曰寶
元自景祐初慕唐玄宗羣臣以開元加尊號遂請
加景祐于尊號之上至寶元亦是歲趙元昊以

河西叛改姓元氏朝廷惡之遽改元曰康定而不復加于尊號而好事者又曰康定乃謚爾明年又改曰慶厯至九年大旱河北尤甚民死者十八九于是又改元曰皇祐猶景祐也六年日蝕四月朔以為正陽之月自古所忌又改元曰至和三年仁宗不豫久之康復又改元曰嘉祐自天聖至此凡年號九皆有謂也

又曰國朝百有餘年年號無過九年者開寶九年

改為太平興國太平興國九年改為雍熙大中祥符
九年改為天禧慶歷九年改為皇祐嘉祐九年改
為治平惟天聖盡九年而十年改為明道

英宗體乾膺歷隆功盛德文肅武睿聖宣孝皇帝曙本
名宗實濮安懿王允讓子仁宗立為皇子以癸卯嗣立
在位四年丁未崩改元一

治平

四

神宗紹天法古運德建功英文烈武欽仁聖孝皇帝頊

英宗太子以丁未嗣立，在位十九年。乙丑崩，改元二

熙寧

十

元豐

八

葉夢得石林燕語曰：熙寧末年旱，詔議改元。執政

初議，大成仁宗曰：「不可。」成字于文，一人負戈，又擬豐

亨。復曰：「不可。」亨字為子，不成。惟豐字可用。改元豐

哲宗體元繼道顯德定功欽文睿武齊聖昭孝皇帝。照

初名傭。神宗太子以乙丑嗣立，在位十四年。庚辰崩，改

元三

元祐八

紹聖四

元符三

徽宗體仁合道駿烈遜功聖文仁德憲慈顯孝皇帝
神宗第十一子封端王以庚辰嗣立在位二十五年傳
位太子丁未金人執以北去高宗立遙尊為太上皇復
九年乙卯崩于五國城改元六

建中靖國

元崇寧五

大觀四

政和七

重和一

宣和七

宋史王覲傳徽宗即位改元詔下覲言建中之名

雖取皇極然重襲前代紀號非是宜以德宗為戒
陸游老學菴筆記政和末議改元王黼擬用重和
既下詔矣范虛間白上曰此契丹號也故未幾復
改宣和然重和乃契丹宮殿名猶我之宣德門也
年名則寔曰重熙建中靖國後敵避天祚嫌名追
謂重熙曰重和耳不避可也

袁氏楓憲小牘道君皇帝改元宣和人或離合其
字曰一旦宋亡此與蕭歸離合周宣政為宇文亡

日同

欽宗恭文順德仁孝皇帝桓徽宗太子以乙巳受禪立
在位二年金人入中原丁未北遷高宗立遙尊為淵聖
皇帝後二十四年庚辰崩于金改元一

靖康 二

二帝北狩康王在齊州汪伯彥引天命人心為請
謂靖康紀元為十一月立康之兆帝曰當更思之

高宗受命中興全功至德聖神文武昭仁憲孝皇帝構

徽宗第九子封康王丁未二帝北狩嗣位于南京後南
渡建都臨安在位三十六年壬子傳位太子又二十六
年丁未崩改元二

建炎四

紹興

三十
二

元懿太子薨高宗子以建炎三年為統制官苗傅劉正
彥所立尊高宗為太上皇尋復位薨後卒改元一

明受

孝宗紹統同道冠德昭功哲文神武明聖仁孝皇帝脊

初名瑗太祖子秦王德芳之後高宗以為子初封建安郡王立為太子以壬午受禪立在此位二十七年己酉傳位太子後五年崩改元三

隆興二

乾道九

淳熙十

孝宗內禪擬于傳位日降赦汪應辰言唐太宗受禪于高祖明年正月始改元乃從其說又議改元重熙應辰謂契丹嘗以紀年遂改隆興

宋鄱陽張世南游宦紀聞曰改元始于共和紀號

倡于漢武後世遵用之我宋年號無過九年者唯
天聖盡九年十年十二月改明道熙寧亦盡十年
紹興乃三十二年淳熙亦十六年

李心傳建炎以來朝野雜記曰乾道癸巳歲冬至
日上祀南郊肆赦改明年元為純熙後六日甲辰
中書門下省言若淳化雍熙言之當用淳熙字庶
幾仰體主上取法祖宗之意從之

光宗循道憲仁明功茂德溫文順武聖哲慈孝皇帝尊

孝宗第三子立為太子以己酉受禪立在位五年甲寅
皇太后命嘉王擴即位尊帝為上皇後六年崩改元一

紹熙

寧宗法天備道純德茂功仁文哲武聖睿恭孝皇帝擴
光宗第二子甲寅以太皇太后吳氏命嗣立在位三十
一年甲申崩改元四

慶元

六

嘉泰

四

開禧

三

嘉定

七

李心傳建炎以來朝野雜記曰高宗即位改元建

災以火德中微故也苗劉之亂以為災字乃兩火故多盜明年還自海上改五年為紹興久之既與金議和遂不復改三十二年孝宗即位踰年改隆興其說以為務隆紹興之政及學士草制則合建隆紹興之義非初意矣二年王瞻叔為參知政事言趙諗謀逆欲以隆興改元會太常寺丞曾逮檢事實以進上愕然明年正月郊改元乾道乾道盡九年時以為乾元用之九數已極乃改為純熙又

易純為淳言欲致淳化雍熙之美也十六年光宗
即位將紹淳熙之政遂以紹熙紀元猶隆興意爾
學士草制則又合紹興淳熙為義亦非初意也五
年上繼統趙子直為相銳意慶厯元祐故事乃改
慶元慶元盡六年而上皇及太后繼崩中宮去世
二皇子不育朝廷嫌之因改明年為嘉泰云

趙彥衛雲麓漫抄曰名年始于漢武往往皆寓美
意或紀一時盛事唐德宗時思繼先烈蓋欲法貞

觀開元也本朝改隆興欲法建隆紹興之義或云
趙稔曾用之改乾道又改淳熙詩曰時純熙矣有
言純旁作屯不宜用復改淳熙取淳化雍熙紹熙
則法紹興淳熙慶元法慶厯元祐開禧則取開寶
天禧也

昔唐德宗以貞觀開元之盛慨想前烈改元貞元
庶幾二祖本朝因之如近世隆興之用建隆紹興
淳熙之用淳化熙寧紹熙之用紹興淳熙慶元之

用慶厯元祐開禧之用開寶天禧皆是也珂按呂
陶淨德集記曰元祐之政謂元豐之法不便即復
嘉祐文法以救之然不可盡變大率新舊二法並
用貴其便于民也議者乃云對鉤行法朝士善譎
乃云豈獨法令為然至于年號亦得對鉤矣然詼
譎之談亦有味珂謂人君法祖存古之意最為盛
德陶言近肆不可以訓又按光宗升祔循故事將
建閣以藏宸章侍從集議欲以大謨名當國者以

為不馴又欲名天疇疑近天章且天章不入御矣
乃名寶謨珂謂寶文乃仁宗閣名如陶之言亦對
鉤也方顯謨建閣時國論尚紹述哲宗慕丕承之
烈以見善繼若寶謨則直以禹之書首于三謨而
言之歷代寶之以為大訓本專指墳典此惟取祕

藏之義云

相堂岳珂
愧郝錄增

理宗建道修德大功復興烈文仁武聖安孝皇帝昀初
名貴誠太祖子魏王德昭後沂靖惠王子甲申史彌遠

廢皇子濟王竑奉帝嗣立在位四十年甲子崩改元八

寶慶

三

紹定

六

端平

三

嘉熙

四

淳祐

十

寶祐

六

開慶

二

景定

五

王應麟玉海年號頌曰天祐下民藝祖立極繇三
而五建隆乾德開寶之九享國十七太宗之元改
為興國八而改之雍熙乃復四而更之端拱乃續
麟正二書淳化是易鳳紀五頒至道是革至三而
終二十二訖章聖續圖咸平凡六景德祥符四九

其別天禧乾興五六其畢二紀仍期仁皇嗣服天
聖明道九二先及景祐寶元康定慶厯皇祐至和
嘉祐之日曰四而三曰一而八曰五而二曰八而
足四十一年政事修飭英皇和平四載善述神考
之興聿新制作熙寧十更元豐八閱哲宗紹休元
祐凡八紹聖元符四三其列十有五禩徽皇靖國
宗觀政重宣和岌岌總其厯年五加二十靖康之
難高宗正域建炎紹興再立宗祐四與三二紀凡

三歷孝廟隆興乾道相襲二九之餘淳熙十六二
十七春乾坤清謐光宗五稔紹熙駿烈寧考慶元
不更歲律泰禧四三嘉定十七三十年間不遑暇
逸晉王承統光增燕翼寶慶三改紹定六易端平
嘉熙歷載凡七淳祐十二寶祐歲六開慶一祺景
定更禔

度宗端文明武景孝皇帝祺福王子理宗立為太子以
甲子嗣立在位十年甲戌崩改元一

咸淳十

少帝昀度宗子封建國公以甲戌嗣立二年丙子元人入臨安帝北遷降封瀛國公端宗立遙尊為恭孝懿皇帝後殂于元改元一

德祐

端宗裕文昭武愍孝皇帝昀少帝兄封益王以德祐二年丙子奔閩即位于福州三年戊寅浮海至碭州崩改元一

景炎

衛王昺少帝弟戊寅羣臣立之于礪州遷居崖山三年
己卯張弘範兵逼丞相陸秀夫負帝赴海崩國亡改元

一

祥興

右宋自太祖至欽宗九帝一百六十六年南渡九

帝一百五十二年共三百十八年

起庚申
盡己卯

附考

太宗淳化五年蜀賊李順僭號于成都改姓孟國號大蜀內臣王繼恩等討平之偽元一

應運

真宗咸平三年益州戍卒王均作亂僭稱大蜀雷有終率兵平之偽元一

化順

仁宗慶曆七年貝州卒王則據州反自稱東平王國號安陽明年文彥博明鎬討平之偽元一

得聖

仁宗皇祐元年廣源州蠻儂智高自稱南天國四年陷
邕州僭號仁惠皇帝狄青擊敗之走死改元四

大厯

端懿

景瑞

啓厯

案智高改元見于宋史可考者景瑞啓厯也前二
號沈氏正閏考書之者未知何據

徽宗崇寧年前國子博士趙稔反伏誅僞元一

隆興

徽宗宣和二年睦州民方臘作亂自稱聖公陷浙東西六州因童貫討平之偽元一

永樂

高宗建炎四年鼎州民鍾相作亂自稱楚王孔彥舟執送行在誅之偽元一

天載

高宗建炎四年金人立劉豫為大齊皇帝以中原地歸之都汴改明年為元年在位七年為金人所廢以蜀王

從臨潢府改封偽元一

阜昌

高宗紹興三年湖寇楊么自稱大聖天王後岳飛討平之偽元一

庚戌

陳萬偽元一

天戰

李婆備偽元一

太平

僧王法思偽元一

羅平

李子揚偽元一

龍興

李接偽元一

羅平

廖森偽元一

重德

李合茂偽元一

正法

雷進偽元二

正法

人知

愚按陳萬以下數號俱見玉海蓋盜賊之妄竊者
而正史不書失其年次雜載于此

歷代建元考卷七

欽定四庫全書

歷代建元考卷八

秀水鍾淵映撰

遼

耶律氏

太祖大聖大明神烈天皇帝億小字安巴堅其先契丹部酋長以唐天祐四年辛卯稱帝九年建元在位十九年丙戌殂于扶餘府改元三

神冊

六

天贊

四

天顯

一

愚按遼史太祖紀二月改元天顯七月上崩而通

鑑云契丹改元天顯葬其主安巴堅于木葉山五代史德光立三年改元天顯俱傳聞之誤今從遼史

義宗文獻欽義皇帝倍小字托雲太祖太子天顯元年太祖命守東丹國號人皇王稱制行事明年太宗即位庚寅浮海適唐後為唐所殺世宗立追上謚號在東丹時改元一

甘露

太宗孝武惠文皇帝德光太祖次子以天顯二年丁亥
嗣立丙申立石敬瑭為晉帝丁未滅晉入大梁改國號
曰大遼還殂于藥城在位二十二年仍稱天顯十二
年至十三年改元二

會同八

大同一

遼史太祖紀天顯二年十月壬戌即皇帝位有司
請改元不許

世宗孝和莊憲皇帝阮小字烏裕義宗長子以大同元

年丁未即位恒州引兵還國五年辛亥為泰寧王察克
所殺改元一

天祿

穆宗孝安敬正皇帝璟小字舒魯太宗子以天祿五年
辛亥嗣位十九年己巳為庖人竇庫等所弑改元一

應歷

景宗孝成康靖皇帝賢世宗第二子以應歷十九年己
巳嗣在位十四年壬午殂改元二

保寧^十

乾亨^四

聖宗文武大孝宣皇帝隆緒景宗長子封梁王以乾亨
四年壬午嗣立復國號曰大契丹在位四十八年改元
三

統和^{十二}

開泰^九

太平^{十一}

興宗神聖孝章皇帝宗真聖宗子以太平十一年辛未
嗣立在位二十四年乙未殂改元一

重熙

道宗仁聖大孝文皇帝洪基興宗子以重熙二十四年
乙未嗣立辛巳殂在位四十七年復國號遼改元五

清寧

十元
年即重
熙二十四年

咸雍

十

太康

十

太安

十

壽隆

東都事畧載有壽昌而范成大攬轡錄又稱盛昌
六年又玉海載遼國有順天應順二號俱不詳世
次蓋南北分隔或語音傳訛或傳寫錯謬茲按遼
史悉正之

天祚皇帝延禧道宗太子順宗濬之子以壽隆七年辛巳嗣立在位二十四年乙巳為金人所執降封海濱王進豫王俎改元三

乾統

十元
年即
壽隆
七年

天慶

九

保大

五

宣宗孝章皇帝淳興宗孫累封秦晉國王保大二年壬寅天祚入夾山耶律達實立之于燕京尋卒改元一

建福

蕭德妃宣宗淳之后淳卒稱制金兵至奔于天祚被殺

改元一

德興

即建福元年

梁王雅里天祚第二子以保大三年癸卯耶律迪里等劫之北奔立以為帝後獵察喇山一日射黃羊四十狼二十一致疾卒耶律珠拉繼之為其下所殺改元一

神歷

右遼九世共二百十年

西遼德宗皇帝達實太祖八代孫登天慶五年進士累

官翰林世號達實林牙以保大二年單騎宵遁甲辰歲
二月五日甲午即位于奇爾瑪勒建都呼遜鄂爾多在
位十二年丙辰殂改元二

延慶

三

康國

十

咸天皇后塔布延德宗蕭后丙申臨朝稱制七年壬戌
殂改元一

咸清

仁宗皇帝伊立德宗子以壬戌嗣立在位十三年甲戌

殂改元一

紹興

承天太后竒爾瑪勒仁宗妹仁宗殂遺詔權國事稱制後
與駙馬之弟通出駙馬為東平王殺之十四年戊子為
其父所殺改元一

崇福

正閏考又有
重德一號

末主珠勒呼仁宗次子以戊子嗣立即位三十四年辛
酉以出獵為奈曼王庫楚類伏兵所執尊為太上皇朝

夕問起居珠勒呼殂遼祀遂絕改元一

天禧

右西遼三主二后建號絕漢之外七十六年

起甲辰訖

辛酉

附考

聖宗太平九年東京錫里軍詳大延琳僭國號曰興遼
明年討擒之偽元一

天慶

天祚天慶六年裨將渤海高永昌據遼陽僭號尋為金人所殺偽元一

隆基

天祚保大三年奚王和勒博僭號後為衆所殺偽元一

天復

天祚保大三年都統蕭幹自立于奚王府號神聖皇帝國號大奚郭藥師破之為其下所殺偽元一

天嗣

金完顏氏

太祖應乾興運昭德定功睿神章孝仁明大聖武元皇帝旻本名阿固達女真部人以遼天慶五年乙未稱帝癸卯入燕京還殂于布圖樂在位九年改元二

收國

天輔

太宗體元應運世德昭功哲惠仁聖文烈皇帝晟本名烏奇邁太祖弟以天輔七年癸卯嗣立在位十三年乙卯殂改元一

天會

十三年
即天輔七年

熙宗弘基繼武莊靖孝成皇帝亶太祖孫以天會十三年乙卯嗣立在位十四年己巳為平章政事完顏亮所

弑仍稱天會二

十四年
十五年改元二

天眷

三

皇統

九年

海陵煬王亮太祖孫以皇統九年己巳弑主自立辛巳伐宋為其下所殺世宗追廢之在位十三年改元三

天德

四年
皇統九年即

貞元

四

正隆

六年

世宗光天興運文德武功聖明仁孝皇帝雍本名烏祿
太祖孫以正隆六年辛巳即位于東京海陵被弑入燕
在位二十九年巳酉殂改元一

大定

二十九年
即正隆六年元年

金史海陵在揚州聞改元大定拊髀嘆曰朕本欲
平江南改元大定此非天乎因出其素所書取一
戎衣天下大定改元事以示羣臣

宋李心傳朝野雜記曰時光守強守諒者言金主

已死新君嗣立改元新德大臣信之辛巳春賀正
旦使還言金主不死已授甲造舟必為南寇之計

章宗憲天光運仁文義武神聖英孝皇帝璟世宗嫡孫
以大定二十九年己酉嗣立在位二十年戊辰殂改元三

明昌

六

承安

五

泰和

八

衛紹王允濟世宗子以戊辰嗣立在位五年癸酉值元
兵入寇為呼沙呼所弑改元三

大安

三

崇慶

元

至寧

元

金史衛紹王初即位改元大安四年改曰崇慶既
又曰至寧有人語曰三年大崇至矣大崇者大蟲
也俄而有呼沙呼之變

宣宗繼天興統述道勤仁英武聖孝皇帝珣章宗庶兄
以至寧元年癸酉嗣立二年遷汴在位十一年癸未殂
改元三

貞祐

四 元年即
至寧元年

興定

五

元光

南遷錄云世宗改元興慶濰王改元天統章宗改

元天定考之金史其世系傳次無一是者蓋南人
偽書為此書以摭靖康之憤而實非金元氏之實
錄不足存也

哀宗皇帝守緒宣宗太子以元光二年癸未嗣位癸巳
自汴奔蔡至明年正月為宋元兵所圍傳位于宗室承
麟自縊而殂末帝亦為亂兵所殺凡在位十年改元三

大興八

開興

旋改
天興

天興

右金完顏氏九世一百十八年

附考

熙宗皇統七年蒙古鄂囉貝勒自稱太祖元明皇帝
國號大蒙古遣兵討之不克因與連和改元一

天興

愚按宋孟珙嘗有言曰蒙古之先世以慕蒙
為雄故國號曰大蒙古國然則天會皇統間所伐
並非却特氏之蒙古也附識于此

世宗大定元年契丹伊喇阿哈稱帝明年討平之偽元

一

天正

衛紹王至寧元年癸酉遼人耶律英格據遼東自立為
遼王乙亥降于蒙古封遼王改元一

元統

伊實布本耶律英格黨封郡王英格朝蒙古遂僭帝號
于澄州國號遼立七十餘日為其下所殺偽元一

天威

宣宗貞祐三年益都賊楊安兒僭號登州遣兵擊殺之
偽元一

天順

宣宗貞祐三年宣撫富森鄂諾據遼東稱天王國號大
真明年降于蒙古尋僭號東夏天興二年蒙古太宗討
擒之偽元一

天泰

宣宗貞祐二年兗州泗水人郝定反署置百官僭稱大

漢皇帝州兵討擒之僞元一

順天

宋李心傳建炎以來朝野雜記曰又有郝八者名

儀以貞祐二年春

甲戌本朝
嘉定七年

據山東叛僭號大齊

改元順天金人遣花帽軍擒之磔于開封考之金

史本紀及侯摯傳有郝定無郝儀則改元順天者

必定也蓋金史失記改元而南中誤傳其名耳

宣宗貞祐三年張鯨弟致據錦州自稱漢興皇帝蒙古

穆呼哩遣兵平之偽元一

興隆

宣宗貞祐四年故遼人金山茂伊實布之黨自稱大遼
收國王引兵侵高麗據江東城二年為通古所殺自立
哈沙復殺之僭號戊寅耶律英格共擊平之偽元一

天德

高麗國史
作天成

夏 李氏

景宗武烈皇帝曩霄本名元昊其先拓跋思恭唐末賜

國姓鎮夏州傳思諫思恭彛昌仁福彛興克睿繼筠七
世至繼捧入朝于宋族弟繼遷遂有銀夏稱夏國王是
為太祖神武帝傳于太宗光聖帝德明薨元昊立以宋
景祐元年甲戌改元戊寅稱帝在位十七年戊子殂改
元四

開運一

廣運二

天慶二

天授禮法延

祚一十

先是元昊初立尚奉宋明道年號諱其父德明之

名乃改曰顯道稱于中國甲子會紀作改元顯道
非也

宋景祐元年元昊改元開運或告以石晉敗亡之
號乃改廣運

毅宗昭英皇帝諒祚景宗長子以戊子嗣立時方期歲
在位二十年丁未殂改元五

延嗣寧國一天祐垂聖二福聖承道四
都六

拱化五

惠宗匡靖皇帝秉常毅宗長子以丁未嗣立在位二十
年丙寅殂改元四

乾道二

天賜禮盛國慶五

大安十

天安禮定一

崇宗聖文皇帝乾順惠宗長子以丙寅嗣立在位五十

四年己未殂改元八

宋史紹興九年
夏主乾順卒

天儀治平四

天祐民安八
永安三

貞觀三十

雍寧五

元德八
正德八

大德

仁宗聖德皇帝仁孝崇宗長子以己未嗣立在位五十

五年癸丑殂改元四

大慶

四

人慶

五

天盛

十二

乾祐

二十四

桓宗昭簡皇帝純祐仁宗長子癸丑嗣立在位十四年

丙寅為鎮夷郡王安全所廢改元一

天慶

四十

襄宗敬穆皇帝安全崇宗孫越王仁友子以丙寅嗣立

在位六年辛未殂改元二

慶天_四

皇建_二

神宗英文皇帝遵頊齊國忠武王彥宗子以宗室試進士及第為大郡督府主襄宗殂以辛未嗣立在位十三年癸未自稱太上皇傳位太子丙戌殂改元一

光定

獻宗皇帝德旺神宗子以癸未嗣立在位四年丙戌元兵累逼以憂殂改元一

乾定

南平王暉宗室清平郡王子以丙戌嗣立明年降于元
右夏李氏九主一百九十五年

愚按玉海夏國有廣禧清平一號宋史不載唯末
主為清平郡王子亦非年號蓋王氏傳聞之誤
也

元却特氏

太祖法天啓運聖武皇帝特穆津蒙古部人其先世為
酋長太祖以金泰和六年丙寅即位于鄂諾河十年克

金中都二十一年丁亥平夏還殂

太宗英文皇帝諤格德依太祖第三子以己丑嗣立六年
滅金十三年辛丑殂皇后奈曼真氏稱制丙午定宗立
定宗簡平皇帝庫魯克太宗長子以丙午嗣立三年戊申
殂皇后稱制

憲宗桓肅皇帝孟克太祖少子圖類之子以辛亥嗣立于
鄂諾河九年己未伐宋殂于釣魚山

宋孟珙蒙古備錄蒙古稱年號曰兔兒年龍兒年

至去年方改曰庚辰年今日辛巳年南遷錄載與
金國詔稱龍虎九年非也

世祖聖德神功文武皇帝呼必賚憲宗弟以己未嗣立
于燕京以至元八年改國號大元十三年入宋臨安十
六年滅宋于崖山共在位三十五年甲午殂改元二

中統

四

至元

三十
一

成宗欽明廣孝皇帝特穆爾世祖太子珍戩之子以甲
午嗣立在位十三年丁未殂改元二

元貞二

大德十

武宗仁惠宣孝皇帝哈尚世祖子達爾瑪巴喇之子封懷寧王以丁未嗣立于上都任位四年辛亥殂改元一

至大

四

仁宗聖文欽孝皇帝阿裕彌巴哩巴特喇武宗弟武宗以爲太子以辛亥嗣立在位九年庚申殂改元二

皇慶二

延祐

七

英宗睿聖文孝皇帝碩迪巴拉仁宗太子以庚申嗣立

在位三年癸亥為特克實所弑改元一

至治_三

農田餘話前元英宗年號至治性剛好殺故被弑
晉王以藩邸入踐大統識者以至治二字拆成晉
王二字數或然也時改元泰定二字出道書非正
道也

泰定皇帝伊蘓特穆爾太子珍戩嫡孫晉王噶巴拉長
子嗣封晉王以癸亥嗣立于龍居河在位五年戊辰殂

于上都改元二

泰定

四

致和

元文宗
天歷元年

幼主喇實晉巴泰定帝太子以戊辰嗣立于上都文宗遣兵陷上都不知所終改元一

天歷

即致和
元年

明宗順天立道睿文智武大聖孝皇帝和實拉武宗長子封周王戊辰泰定帝殂帝弟文宗立于大都遣使迎帝以己巳即位和寧之北尋暴崩

文宗聖明元孝皇帝圖卜特穆爾明帝弟以戊辰嗣立于大都明宗立為太子明年復即位前後在位五年壬申殂改元二

天曆二

至順三

寧宗冲聖嗣孝皇帝伊埒哲伯明宗第二子封廊王以壬申嗣位尋殂不改元

順皇帝托歡特穆爾明宗長子文宗徙之于高麗移廣西靜江寧宗殂文宗后遣使迎之以癸酉嗣立戊申明

兵至通州奔應昌後二年殂國人謚曰惠宗明太祖追謚順帝共在位三十七年改元三

元統二

至元六

至正

至元改元詔曰惟世祖皇帝在位長久天人協和諸福咸至祖述之志良切朕懷今特改元統仍為至元年御史李好文言年號襲舊于古未聞不聽昭宗皇帝阿裕爾實哩達喇惠宗太子以庚戌嗣立于應昌李文忠來伐主以餘兵走和哩立十一年而殂改元

一
宣光

按蒙古自昭宗後益王特古斯特穆爾立九年為
明將藍玉所破走主音德爾遇弒自後五傳至衮
特穆爾未幾而弒永樂初果勒齊立衆以非元裔
弒之迎順帝後布尼雅實哩為汗布尼雅實哩弒
托克托巴哈立正統十四年其臣衛喇特王額森
強盛車駕親征被留後奉上歸至景泰四年遂弒

托克托布哈自稱大元哈尚汗建元天元尋為部
衆所殺復求元裔立之稱小王子迄今支裔尚存
而傳次無可考矣

右元十四主凡一百六十二年中混一八十九年
又順帝昭宗建號故國十三年

附考

世祖至元二十年廣州新會民林桂芳趙良鈐作亂自
稱羅平國王官軍討平之偽元一

延康

一作建康

順帝至元三年廣州增城民朱光卿自稱大金國尋討平之偽元一

赤符

按元氏平宋之後反者四起如南朝趙王之類不可殫計而元史所載普寧縣僧陳慶安汝州棒胡稱李老君太子袁州周子旺稱周王各立偽元而其號俱失載

元末諸國考

宋

宋主韓林兒潁川人以至正己未劉福通等迎立之自稱宋裔國號宋號小明王自亳州移都汴梁後奔安豐十二年殂于建康改元一

龍鳳

二十

朱國禎湧金小品載弘治間河南府得銅印三百顆俱識年號事聞下禮部上言至順至元至正俱

元文宗以後年號龍鳳興定又元末偽宋主年號
愚按興定乃金宣宗年名小明王建元龍鳳未嘗
復改也一時禮曹諸臣鮮有博雅者遂不及致辨
耳

天完

天完主徐壽輝羅田縣人以至正癸巳據蘄水後移都
漢陽庚子為其臣陳友諒弑于江州改元三

治平八

天啓

戊戌一

天定

巳亥一

陸深儼仙外集一云壽輝既稱帝湖江浙三省多
陷沒開蓮臺省于蘄春然不能制其下陳友諒既
殺倪文俊遂率兵攻金陵謀篡其位乃勒死于采
石是年五月改大義元年則天啓天定豈友諒已
不用治平矣

漢

漢陳友諒沔陽人爲天完將累封漢王以庚子弑壽輝
于采石即皇帝位癸卯冠南昌與太祖戰于鄱陽中流

矢卒改元一

大義

庚申外史曰陳友諒之篡位于徐壽輝也僭號大漢改元天定大義愚考諸書庚子歲友諒改天定二年為大義元年則天定大義實為二號而葛氏誤以為一耳又天啓天定改于壽輝末年或疑即友諒所改是未可知

歸德侯理友諒子友諒卒奔還武昌其將張定邊等立

之明年降于明改元一

德壽

吳

吳王張士誠泰州人以至正癸巳據高郵甲午稱誠王
國號大周改元尋降于元官太尉癸卯復稱吳王仍奉
元朔丁未明兵克蘇州至建康縊死改元一

天祐

夏

先主明玉珍隨州人為天完將將兵破蜀聞友諒弑逆
自稱隴蜀王癸卯即皇帝位丙午殂改元一

天統

歸義侯昇玉珍太子以丙午嗣立辛亥降于明國亡改

元一

開熙

欽定四庫全書

歷代建元考卷八

歷代建元考卷八